



Broj: 07-958-1 /24
Datum: 18.09.2024.

Na osnovu člana 37. Statuta Grada Srebrenik („Službeni glasnik Grada Srebrenik“, broj: 1/24) i člana 23. Odluke o izvršavanju budžeta Grada Srebrenik za 2024. godinu („Službeni glasnik Grada Srebrenika“, broj: 12/23), Programa utroška sredstava s kriterijima raspodjele sredstava transfera i subvencija utvrđenih budžetom Grada Srebrenik za 2024. godinu Službi za poduzetništvo, lokalni razvoj i investicije („Službeni glasnik Grada Srebrenik“, broj 3/24) Gradonačelnik Grada Srebrenik objavljuje:

JAVNI POZIV

za dodjelu sredstava udruženjima građana za podsticanje poslovnih aktivnosti u 2024. godini

I Predmet Javnog poziva

Predmet Javnog poziva je dodjela sredstava udruženjima građana za podsticanje poslovnih aktivnosti u 2024. godini, planiranih u budžetu Grada Srebrenik za 2024. godinu na poziciji 614324-1: Tekući transfer udruženjima građana kojima se podstiču poslovne aktivnosti, a u svrhu promovisanja i afirmacije poslovnih aktivnosti udruženja.

II Namjena sredstava

Sredstva odobrena na osnovu Javnog poziva mogu se namjenski trošiti na sljedeće aktivnosti; troškovi zakupa (najma) određenih prostora i sl, iznosi kotizacija (učesća) u manifestaciji (sajmovi i sl.), troškovi organizovanog prevoza do odredišta manifestacije, troškovi organizovanog smještaja u odredištu manifestacije, troškovi promocije i marketinga (brošure, izrada letaka, bilbordi, oglasi i ostali promo materijal).

III Kriteriji za dodjelu sredstava

Opći kriteriji za dodjelu sredstava:

- da je organizacija-primalac registrovana u skladu sa zakonom,
- da ima sjedište na području Grada Srebrenik,
- da ima usvojen godišnji program rada i finansijski plan za tekuću godinu,
- da je dostavila narativni i finansijski izvještaj o namjenskom utrošku dodijeljenih sredstava iz budžeta Grada Srebrenik u prethodnoj godini (ukoliko je bila korisnik istih).

Posebni kriteriji za dodjelu sredstava:

- detaljan plan održavanja manifestacije: datum i vrijeme, mjesto i lokacija,
- planirani/očekivani broj učesnika, cilj/svrha i očekivani efekti,
- da je cilj/svrha manifestacije promovisanje/afirmacija neke poslovne aktivnosti,
- okvirni predračun koštanja organizacije/učesća u manifestaciji.





IV Dokumentacija uz Javni poziv

Podnosioci prijava na Javni poziv dužni su dostaviti sljedeću dokumentaciju:

1. Uredno popunjen Prijavni obrazac,
2. Rješenje o registraciji,
3. Porezni identifikacioni broj (ID broj),
4. Usvojen i ovjeren godišnji program rada i finansijski plan za 2024. godinu,
5. Narativni i finansijski izvještaj o namjenskom utrošku sredstava u 2023. godini (odnosi se na podnosioca prijave koji je u prethodnoj godini bio korisnik sredstava budžeta Grada Srebrenik. Ukoliko je Izvještaj već dostavljen nadležnoj Službi do dana prijave na ovaj Javni poziv, naznačiti to u Prijavnom obrascu iz tačke 1.). Ukoliko podnosilac prijave na Javni poziv nije bio korisnik sredstava budžeta Grada Srebrenik u 2023. godini, naznačava to u Prijavnom obrascu iz tačke 1.,
6. Predračun troškova u organizaciji/učešću u manifestaciji (ukoliko su troškovi već nastali odnosno manifestacija već održana, priložiti kopiju/e računa),
7. Dokaz o broju tekućeg računa.

Ostali dokazi o ispunjenju posebnih uslova će se vrednovati na osnovu zadatih stavki u Prijavnom obrascu iz tačke 1. dokumentacije.

V Ostale odredbe

Dostavljanje prijava

Prijave na Javni poziv sa kompletnom dokumentacijom, dostavljaju se u zatvorenoj koverti, sa obaveznom naznakom: „Javni poziv za dodjelu sredstava udruženjima građana za podsticanje poslovnih aktivnosti – *NE OTVARAJ*“. Prijave dostaviti lično na pisarnicu Grada Srebrenik ili preporučeno poštom na adresu:

Grad Srebrenik
Služba za poduzetništvo, lokalni razvoj i investicije
Ulica Ibrahima Salihovića bb, 75350 Srebrenik

Rok za dostavljanje prijava

Javni poziv ostaje otvoren 7 (sedam) dana od dana objavljivanja na oglasnoj ploči Grada Srebrenik i službenoj internet stranici Grada www.srebrenik.ba.

Nepotpune i neblagovremene prijave neće se razmatrati.

Sve informacije u vezi s Javnim pozivom mogu se dobiti na kontakt telefon Službe 035 366 438.

O rezultatima prijave podnosioci će biti upoznati putem službene web stranice Grada Srebrenik.



GRADONAČELNIK

Adnan Bjelić

